

## الصورة صورتي



حضناً المرايا

لكن الحقيقة مش انا

نفس الملامح والعيون

بس الخطوط غير الخطوط

والمرار أصبح شطوط

فوق جبين الذكريات

تهت ونسيت اللي فات



قلت أسأل

كأ سؤال

والجواب كان كلمتين

عند

شباك الوجود

أنت حد ماتعرفوش

جوا منك مش يدوم

حد عايش بس يوم

قلبه خالي م الهموم

والسما من غير غيوم

نجمه ساكن ليل جميل

خطوته كام ألف ميل

والدموع نزلت كسيل

شفت تاني كام دليل

والسبيل أصبح محال

حدعائش ف الخيال

كلم الخوف والرمال

وأما فاق م الوهم حبة



قال لِنَفْسِهِ.....

انت الحقيقه المؤلمة

دمك بينزف ليل نهار

جرحك بيحلف ميت يمين

لو مر بيه الفين نهار

صابر علي ظلم البشر

عاوزينه يضغط ع الزرار

يعني يسامح ب اختصار

ب الذمة دا اسمه كلام

ياللي انتوا فاكرين انكم

حبة ملايكة مسيطرين

علي قلب نازف م الألم

رغم ان جرحي مالوش دوا

غير انه يبعد عنكم

ساعتها جرحي هيلتتم

ومهما طال بيا الندم

هاخذ سفينه بدون شراع

واحلف ما عود كده للخداع



ويبقى ذا صوت الوداع

يعبر حدود المستحيل

يقطع حبال كل الوداد

والهجر يستنى الميعاد